

وابتسم عباس بحسرة وتندم ، ثم صمت . له كل حين وآخر
ضربة خفيفة على ركبتيه . كأنه يروض نفسه العاصية على البوح بما في
صدره :

« كان الكلام ده قبل الوقفة بيومين . وأنا واقف في المكتب جالى
الصراف ووراني قصقوصة قماش صغيرة في ايده زفير ولا بوبلين
حاجة زي دى . وقال لى :

— يا عباس أفندى . حاجة لقطه ، والبياع قومسيونجى صاحبي
تحب أجيب لك كام متر من دا ؟ يعجبك ؟
— عشان إيه ؟

— ليه ؟ مش ح تفصل لك جلالية على العيد ؟

مش فاكر قلت له إيه ، فاكر إني رحت أودة تانية . حاجة
ميرانى . أضحك ؟ دى أول مرة أسمع فيها إني أبقى زي ولاد البلد ،
وأفصل بدل البدلة جلاييه . تصور ؟ كل فرحة العيد قال تفصيل جلالية ! !
حاجة تضحك ولا تبكى ؟ الدمعة طفرت من عيني مرة واحدة . وهات
باعياط . . عمرها ما حصلت لى . ما كنتش أتصور أن كلمة سخيفة زي
دى ، تخلينى أعيط زي العيال العياط دا كله .

٣

كم تحسر عباس في هذا الوقت على أن الحظ الذى رماه في كوم النحل
لم يجزه بإساءته عملاً مسلماً يعينه على تحمل الوحدة التي تكاد تقصف
عمره ، وتطير برج عقله . كان يحسد ناظر المحطة وعامل « البلوك » ،